

## Láhka

### boazodoallolága 44 ja 45 § nuppástuhttimis

Riikkabeivviid mearrádusa mielde  
*nuppástuhttojuvvojit* boazodoallolága (848/1990) 44 ja 45 §, dakkárin go dat leat, 44 1  
 oassin lágas 285/2013 ja 45 § lágas 285/2013, čuovvovaččat:

#### 44 §

##### *Nuppástusohcan bálgosa mearrádusaide*

Boazoisida mearrádussii duhtameahttun boazooamasteaddjis lea vuoigatvuohta buktit sutnje  
 alces guoski ášši bálgosa stivrra giedahallamii. Bálgosa stivrra giedahallama galgá bivdit  
 golbmalogi beaivvi siste das, go osolaš lea ožžon dieđu boazoisida mearrádusas.

Bálgosa stivrra mearrádussii duhtameahttun boazooamasteaddjis lea vuoigatvuohta buktit  
 mearrádusa bálgosa čoahkkima giedahallamii. Dán galgá gáibidit čálalaččat boazoisidis  
 golbmalogi beaivvi siste das, go mearrádus lea addojuvvon diehtun 18 §:s oaivvilduvvon  
 bálgosa čoahkkimis.

Bálgosa čoahkkima mearrádussii boazooamasteaddji oažžu ohat nuppástusa  
 hálddahasrievttis, juos mearrádus loavkida su vuoigatvuođa dahje lea šaddan boasto ortnegis  
 dahje muđui lea lága vuostá. Eará osiin nuppástusohcamis heivehuvvo, mii riektegeavvamis  
 hálddahasáššiin addojuvvon lágas (808/2019) ášahuvvo.

Mii 2 momeanttas lea ášahuvvon, ii guoskka bálgosa stivrra mearrádusa, mainna boazoealu  
 háhkanlohpi lea miedihuvvon dahje mainna ovdastinvuoigatvuohta lea guđđojuvvon  
 geavatkeahtá. Bohccuid fidneaddji oažžu ohat nuppástusa boazoealu háhkanlobi gielldimii  
 ja ovdastinvuoigatvuođa geavaheapmái guoski bálgosa stivrra ja bálgosa čoahkkima  
 mearrádussii nu mo 2 ja 3 momeanttas ášahuvvo.

#### 45 §

##### *Váidin Bálgosiid ovtastusa mearrádusas*

Bálgosa ovtastusa mearrádussii oažžu dat, geasa mearrádus guoská, ohat nuppástusa  
 dainna ákkain, ahte mearrádus ii leat šaddan áššáigullelaš ortnegis dahje muđui lea lága dahje  
 ovtastusa njuolggadusaid vuostá. Váidda dahkkojuvvo Davvi-Suoma hálddahasriektái. Eará  
 osiin nuppástusohcamis heivehuvvo, mii riektegeavvamis hálddahasáššiin addojuvvon lágas  
 ášahuvvo.

21/2021

Helssegis ođđajagemánu 15 beaivve 2021

**Dásseválddi Presideanta**

**Sauli Niinistö**

Eana- ja meahccedoalloministtar Jari Leppä